

Ilanngussaƙ K

OIlanngussaq 2, AIS 2023-p pingajussaaneerneqarnissaanut atatillugu oqaasertaliussanut aamma oqaasertaliussanut nassuiaatinut allannguutissatut siunnersuutit.

Naalakkersuisut Siulittaasuat – Suliassaqarfik 10

Nr. 89

Kontomut pingaarnermut, 10.01.06 Nutaaliornermi suliniuteqarnermilu suliassat

Oqaasertaliussat tullinnguuttut siunissamut ungasinnerusumut pilersaarusionermut qulakkeerinnittut kontomut pingaarnermut matumunnga ilanngunniarneqarput;

”Nr. 1.

Naalakkersuisut kontomi pingaarnermi matumani siunertarineqartunut suliassat ilaasut aaqiiviginissaat pillugit suleqatinik avataaneersunik isumaqatigiissuteqarnissamut piginnaatinneqarput. Isumaqatigiissutaasuni aningaasaliissutaasut tamarmiusut sipporneqassanngillat, ukiullu missingersuusiorfiusut sunnerneqaqqusaanatik.

Nr. 2.

Naalakkersuisut kontomi pingaarnermi matumani atuinerussutinik atuinikinnerussutinilluunniit ukiumut aningaasanut inatsiseqarfiusumut tullermut nuutsisinnaanissaminnut piginnaatinneqarput. Ukiumi aningaasanut inatsiseqarfiusumi pineqartumi aningaasaliissutit annerpaamik 10 %-ii nuunneqarsinnaapput."

Kontomut pingaarnermut, 10.01.06 Nutaaliornermi suliniuteqarnermilu suliassat, nassuiaatit

Kontomut pingaarnermut matumunnga oqaasertaliussanut nassuiaatit tullinnguuttut ilanngunniarneqarput:

”Nr. 1.

Nutaaliornermi suliniuteqarnermilu suliassat pillugit suleqatigisanik avataaneersunik isumaqatigiissuteqarnikkut piffissamut ungasinnerusumut pilersaarusionissaq sipaarniuteqarnissarlu oqaasertaliussatigut periarfissinneqarput.

Oqaasertaliussaq nutaajuvoq.

Nr. 2.

Aningaasaliissutit ajunnginnerusumik atorneqarnissaat qulakkeerniarlugu ukiut aningaasanut inatsiseqarfiusut akornanni aningaasanik nuussinissamut Naalakkersuisut tunngavissaqarnissaat oqaasertaliussatigut qulakkeerneqarpoq.

Oqaasertaliussaq nutaajuvoq.”

Aningaasaqarnermut Naligiissitaanermullu Naalakkersuisoq - Suliassaqarfik 20

- 24

Nr. 90

Kotomut pingaarnermut, 20.11.51 Nutarterinerit sunniutaat

Oqaasertaliussat tullinnguuttut pisortat inissiaataannik attartortittakkanik iluarsaassisinnaanissamut qulakkeerinnipput. Tassunga atatillugu aningaasaqarnermut pilersaaruteqarpat aamma inissiat iluarsinissaannut pilersaaruteqarpat taarsigassarsisinnaanissaq qulakkeerneqarpoq. Aningaasanut inatsit pillugu isumaqatigiissummut ilaavoq:

”Nr. 1.

Naalakkersuisut Inatsisartut Aningaasaqarnermut akileraartarnermullu Ataatsimiititaliaata akuersissuteqareerneratigut Namminersorlutik Oqartussat imaluunniit pisortat ataatsimoorussamik aktiaateqarluni ingerlatseqatigiiffiutaannut, suliniutit aalajangersimasut aningaasalersornissaannut katillugit 1,5 mia. kr.-t tungaannut taarsigassiinissamut arlalinnilluunniit taarsigassiinissamut imaluunniit taarsigassarsianut qularnaveeqquusiinissamut piginnaatinneqarput. Namminersorlutik Oqartussat inissiaataanni attartortittakkani (ilaqutariinnut arlalinnut illuni) iluarsaassinissamut pisariaqartitsinerit annertusiartuinnartut apparsariartuaarneqarnissaat taamaalillunilu Pilersaarutaasumik, Piffissakkaartumik Aserfallatsaaliinermut (PPV) aningaasanik naammattunik immikkoortitsinissamut tapiissuteqarnissap aamma qulakkeerneqarnissaa aningaasalersuineri siunertaapput. Taarsigassiinissanut qularnaveeqquusiinernullu taama ittunut aningaasaliissutinik atuineranut minnerpaamik uku piumasaqaataapput:

- iluarsaassinissamut suliniutinut aningaasalersuinnissamut piviusunngortitsinissamullu pilersaarut, taarsigassarsinikkut suliniutitigullu inissianik attartortittakkanik aserfallatsaaliuineranut ajornartorsiutit aaqqiivigineqarsinnaanissaannik, tassunga ilanngullugu Naalakkersuisut matumunnga aningaasanik atuinerannik immikkoortumi nr. 2-mi aamma nr. 3-mi piumasaqaatinik allassimasunik eqquutsitsinermik kiisalu iluarsaassinissamik pisariaqartitsinerup naammassineqarnerani najugaqatigiffinni amigartooruteqarfiusussamik missingersuuteqannginnissamik naatsorsuuteqannginnermik takutitsisoq.
- Namminersorlutik Oqartussat inissiaataannut attartortittagaannut aningaasartuutit isertitaallu (cashflow) ukiuni 30-ni sivikinnerusumiluunniit minnerpaamik 0-imukartinneqarnissaannik aningaasalersuineranut pilersaarut. Cashflow tassaavoq taarsigassiinermi iluanaarutinit isertitat, ineqarnermut akiliutit (aningaasaliissutinit iluanaarutit ilanngullugit) aamma aningaasanut inatsimmit tapiissutit ernianik aningaasartuutit, akilersuutit, inissiat ingerlannerinut, tassunga ilanngullugit aserfallatsaaliuineranut aamma ukiuni arlalinni naammattumik aserfallatsaaliuisoqannginneranit ajornartorsiutinik pilersunik iluarsiiniarnermut aningaasartuutit ilanngaatigereerlugit.
- Namminersorlutik Oqartussat inissiaataannut attartortittagaannut Pilersaarutaasumik, Piffissakkaartumik Aserfallatsaaliinermut (PPV) aningaasanik naammattunik missingersuusiortoqassasoq, Inissianik attartortitsisarneq pillugu peqqussummi najugaqatigiffinni oqimaaqatigiittoqarnissaannik aalajangersakkat aamma takukkit.

Nr. 2.

Naalackersuisut Inatsisartut Aningaasaqarnermut akileraartarnermullu Ataatsimiititaliaata akuersissuteqareerneratigut kontomut pingaarnermut matumunnga oqaasertaliussani nr. 1-imi taarsigassanik qularnaveeqqusiinernilluunniit nassuiarneqartunik taarsigassiisunut Namminersorlutik Oqartussat ingerlatseqatigiiffiulluunniit ernianut akilersuinernulluunniit aningaasartuutunik akiliinissaannik pisussaaffilimmik neriorsuinissaannut piginnaatinneqarput.

Nr. 3.

Kantomut pingaarnermut matumunnga oqaasertaliussat nr. 1 naapertorlugit taarsigassiinermi qularnaveeqqusiinermiluunniit aningaasalersuinissamut piviusunngortitsinissamullu pilersaarut, iluarsaassinermut aserfallatsaaliuinernullu aningaasat atornissaannut piumasagaatinut tullinnguuttunut tunngaveqassaaq:

1. siunissamut iluarsaassinermut suliniutinut, oqimaaqatigiissumik aningaasaqarnikkut ingerlatsinermut ineqarnermullu akiliuteqartarnermut periutsimik attanneqarsinnaasumik pingaarnersiunissamut tunngavissanik patajaatsunik pilersitsisoqassasoq,
2. ingerlatsinermi aqutsinermilu ineqarnermut suliassa qarfimmi pingaarnertut tunngaviit naalackersuinikkut aalajangerneqartut taamaalillunilu Naalackersuinikkut suliaqartut toqqaannartumik akuleruttussaataaanninnerat aallaavigineqassasut,
3. Namminersorlutik Oqartussat inissiaataanni attartortittakkani tamani sanaartukkap immikkuualuttuinik nalinginnaasumik nalunaarsuisoqartassasoq, aamma
4. sanaartukkat immikkuualuttuisa qanoq issusaat aallaavigalugit aserfallatsaaliuinissat pingaarnersiorneqartassasut, aamma
5. aserfallatsaaliuinissamut suliassat ingerlatseqatigiiffimmit immikkulluunniit aqutsisoqarfimmit aquneqassasut.

Tassunga atatillugu Inatsisartut Aningaasaqarnermut akileraartarnermullu Ataatsimiititaliaanut ukiumoortumik ilisimatitsissuteqartoqartassaaq, matumani ilaatigut ukiuni arlalinni naammanngitsumik aserfallatsaaliuisoqartarnerata kingunerisaanik ajornartorsiutunik annikillisaanissamut naalackersuinikkut suliaqartut toqqaannartumik akuliuffiginngisaannik aningaasat atorneqarneri pillugit nalunaarusiortoqartassalluni."

Kantomut pingaarnermut, 20.11.51 Aaqqissuusseqqinnerit sunniutaat, nassuiaatit

Kantomut pingaarnermut matumunnga oqaasertaliussanut nassuiaatit tullinnguuttut ilanngunniarneqarput:

"Nr. 1.

Naalackersuisut allakkiaanni "Inissianik aaqqissuusseqqinnissamut takkuttussamut aallaavissaq" 10. august 2022-meersumi inissianik attartortitsisarnermut suliassa qarfimmi aaqqissuusamik sivisuumillu iliuseqarnissap pisariaqartinneqarnerujussua, sularineqannginneratalu ulorianaateqarnera, nassuiarneqarpoq.

Aaqiisoqassappat suliassaqarfimmu aningaasat suli amerlanerit pisariaqartinneqarput, soorlu inissiat aserfallakkiartortut, taamaasillunilu pigisat ajornerulersut aqutigalugit, ajornartorsiutinngortut amerliartuinnartut piareersimaffiginiarlugit taarsigassarseriaannaaneq (imaluunniit ingerlatseqatigiiffimmu tamakku taarsigassarsiarinissaannu nunatta karsianit sillimmasiineq).

Tamatuma kingunerisaanik siullertut oqaasertaliussaq sularineqarsimavoq, taassumalu Inatsisartut Aningaasaqarnermut Akileraartarnermullu Ataatsimiititaliaanit akuerineqarneratigut piumasaqaatit sukumiinerusut atorlugit taarsigassarsisoqarnissaannu imaluunniit qularnaveeqqusiisoqarnissaannu piginnaatitsissummik tunniussisoqarsinnaassaaq. Tassani anguniagaavoq taarsigassarseeriaannaat isumaqatiginninniarfiginissaannu piareersaanissamut killiussanik peqarnissaaq, tamannalu tatiginartuussaaq suliassaqarfimmilu ajornartorsiutit annertuut qaangerniarnissaannu ukiuni arlalinni iluaqutaasinnaassaaq.

Taamatut taarsigassarsineq imaluunniit qularnaveeqqusiineq tamatumunnga nalinginnaasumik peruserineqartoq imaluunniit tamanna pillugu missingersuusiortarnermut naatsorsuusiortarnermullu inatsimmi maleruagassat pillugit killiliussat aqutigalugit pissarsiarineqassasoq piumasarineqarpoq, inatsimmi § 6 takuuk.

Taamaammatt iluarsaasoqarnissaannu iliuusissamut aningaasalersuisoqarnissaannu pivisunngortitsisoqarnissaannu pilersaarut attanneqarsinnaasoq pigineqassasoq oqaasertaliussami piumasarineqarpoq. Pilersaarutip ilaatigut ilimanarsisissavaa taarsigassarsinikkut suliniutissallu allat aqutigalugit inissianu attartortittakkanu suliassaqarfiup iluani iluarsaanissannu ajornartorsiutit qaangerniarnissaat periarfissaassasoq, soorlu oqaasertaliussani immikkoortoq nr. 2-mi aamma nr. 3-mi nassuiarneqartut piumasaqaatit ilaasut.

Iluarsaassisoqarnissaannu pisariaqartitsineq naammasseriarpatt taarsigassarsinerup iluarsaasoqarnissaannu aserfallatsaaliisoqarnissaannu suliniutissap periarfissaalernissaa anguniarneqarpoq, tamannalu suliniutit allat peqatigalugit inissiat immikkoortortaanni oqimaaqatigiinnerup anguniarnissaannu iluaqutaasinnaassaaq.

Aningaasaqarnerup qanoq ingerlaarnerata Namminersorlutik Oqartussat inissiaataannu attartortittakkanu ukiuni 30-ni siviuserusumiluunniit naatsorsuiffiginissaannu aammalu aningaasat ingerlaarnerat piffissap ingerlanerani 0-inngornissaat minnerpaaffiutillugu piumasaqaatigalugu sukumiinerusumik nassuiaasoqarnissaanik oqaasertaliussaq imaqassaaq.

Missingersuusiortarneq naatsorsuusiortarnerlu pillugit inatsimmi § 2-mi taaneqarpoq kommunimi imaluunniit Namminersorlutik Oqartussani missingersuutitigut inissisimaneq tamarmi ukiut 4-t ingerlaneranni oqimaaqatigiissasoq imaluunniit sinneqartoorfiussasoq.

§ 2, imm. 3 malillugu Inatsisartut akuersissuteqareernerisigut naatsorsuinermi missingersuutiniq suliaqarnermi aningaasartuutit isigineqannginnissaat allassimavoq, tamakkulu inissianu, inuussutissarsiutinut attaveqaasersuutinullu suliniutini aningaasaliinernu tunngasinnaapput, tamakkulu sunniutaasinnaasut nalilersuiffigereernerisigut inuiaqatigiit aningaasaqarnerannu

ataatsimut pitsaasumik iluanaarfiusinnaasutut nalilerneqarput. Taarsigassarsinermi imaluunniit qularnaveeqquusiinerni inatsimmi § 2, imm. 3-p qanoq ilineratigut atorneqarsinnaanissaanut maannakkumut naatsorsuisoqarsimanngilaq.

Naalackersuisut ilimagaat oqaasertaliusseq massakkut pineqartoq taamatut isikkoqarluni ukiuni arlalinni aningaasanut inatsimmut ilaasassanngitsoq, paarlattuanilli inatsisivimmik tamakkiisumik ilaannakuusumilluunniit taarserneqassanersoq, taannami inissianut attartortittakkanut Namminersorlutik Oqartussanit pigineqartunut tunngatillugu immikkut ittumik iluarsaasoqarnissaanut suliniutissamut tunngaviliisussaavoq. Taamaammatt inatsit taamaattoq 2023-mut Aningaasanut Inatsisip akuersissutiginerata kingunerisaanik piareersarneqarumaarpoq.

Inatsisunik piareersaaffiusumik sulinissami Namminersorlutik Oqartussat inissiaataasa attartortittakkat kommuninut tunniunnissaasa, tassungalu atatillugu piumasagaatit ilaasut ilanngullugit, periarfissinnissaata ilanngunnissaa pisariaqalertussaavoq. Taamatuttaaq ilanngutissallugu pingaartuussaaq inatsit pisariaqassappat pisortat ataatsimoorlutik piginnittuulernissaasa pilersinnissaanut imaluunniit pisortat inissiaataasa attartortittakkat aqunnissaannut, periarfissaqarpallu attartortunut iluaqutaasumik suliassaqarfimmut annertuumik ingerlatsinikkut iluaqutissat anguniarnissaannut, periarfissanik ammaasoqarnissaa. Oqaasertaliusseq nutaajuvoq.

Nr. 2.

Oqaasertaliusseq ernianut tapiisarnissap taarsigassarsianullu akilersuisarnissap periarfissaalernissaa ammaanneqarpoq. Taarsigassarsisarneq pillugu isumaqatigiissusiat eqqortittarnissaasa qularnaarnissaannut aningaasaliissutinik pisariaqartitsineq kontumi pingaarnermi, 89.72.12 Inissianut pilersaarutit aamma sanaartukkanik taarsiinerit, aningaasanik pingaarnersiutinissamut aqutsisuupput.

Oqaasertaliusseq nutaajuvoq.

Nr. 3.

Iluarsaanissanut aningaasat tunniunneqartut siunertamut atorneqarnersut, tamatumalu anguniarnissaanut sunniuteqarluarnersut anguniarlugu, taarsigassarsinissamut malitseqartitsinissamullu piumasagaatitut ukiumoortumik Inatsisartuni ataatsimiititalianut attuumassutilinnut nalunaarusiortoqartassaaq, taakkununngalu oqaasertaliusseq manna naapertorlugu suliassanut, qanoq issutsimut atuinissallu tulleriiarnissaannut tunngavissanut killiffik ilaassaaq.

Tulleriiarineq teknikikkut aningaasarsiornerup naliliiffigineranik aammalu illuummiittut sillimaniarnikkut peqqisutsikkullu ulorianaataasinnaasut iluarsaannissaannik kiisalu tassanngaannartumik ajoqusernerit allat pinngitsoortinnissaannik aallaaveqassapput. Taamaaliortoqassaaq suliassaqarfimmut aningaasat pitsaanerpaamik atorluarneqarnissaat qulakkeerniarlugu.

Tullerriiarinernut tamakkununga tunngavissaqarnissami tunngavissaq assigiisseq nutartigarlu atorpeqassaaq, taannalu ingerlaavartumik nutarterneqartassaaq (massakkorpiaq IPV-mik taaneqartoq aqqutigalugu suliaavoq, aamma Naalackersuisut allakkiaanni "Inissianut aqqissusseqqinnissamut aallaaviussaaq"-p 10. august 2022-meersup nassuiarneqarnera takuuk.

Tassanilu aamma naatsorsuutigineqarpoq nutaanik sanaartortitsinerit tamatigit allatut periarfissatut isummorsorfigisarnissaat, matumani illuutip iluarsarneranut aningaasartuutissat nutaanik sanaartornikkut pitsaaqutinik qaangiisutut nalilerneqarsimappata. Tamatuma nalilersuiffiginerani tamakkiisumik aningaasaqarneq sanaartukkallu qanoq siviutigisumik atorpeqarsinnaanerit kiisalu innuttaasut ineriartorfiunerat, tassungalu illoqarfimmi pineqartumi naatsorsuutigisat nutaamik sanaartortitsinerit iluarsaanerillu akornanni assersuussilluernerit ilaanissaat ilaatillugit, immikkut aallaaviussapput.

Iluarsaanissat suliarinissaannut aqutsineq ingerlatseqatigiiffimmiissaaq imaluunniit immikkut aqutsisuniissaaq, matumanilu sulinerup suliasat aallartinnissaannut kinaassusersiornani tunngaviliunneqartut malillugit pisarnissaa qulakkeerniarneqarpoq.

Oqaasertaliussaq nutaajuvoq.”

Nr. 91

Kotomut pingaarnermut, 20.30.05 Aningaasaqarnikkut periuserineqartussanut, pilersaarusiornissanut misissueqqissaarnernillu sulinissaq

Konto pingaarneq manna taaguummigut Aningaasaqarnikkut periuserineqartussanut, pilersaarusiornissamut misissueqqissaarnernilu sulinissaq-mut allanngorpoq. Tamanna pivoq kontomut pingaarnermut siunertarineqartoq pitsaanagerusumik nassuiaaffigisinnaaniarlugu. Kotomut pingaarnermut oqaasertaliussat marluusut taakkuuginnassapput.

Nr. 92

Siunertamut kotomut, 24.10 Toqqaannartumik akileraarutit

Ilaannakuusumik akiliunneqarluni feeriarernerit akileraarusernissaat Inatsisartut UKA2011-mi akuersissutigisaat pillugu aalajangersakkat kinguartitsiffiunissaat siunertaralugu oqaasertaliussat nutaat ilanngunneqarnissaat qinnutigineqarpoq. Europami Naalagaaffiit Suleqatigiiffiat (EU) Naalackersuisunut saaffiginnissuteqarnikuuvoq, Kalaallit Nunaanni allaffimmik pilersitsinissaq siunertaralugu. Kotomut siunertalimmut matumunnga oqaasertaliussat makku ilanngunniarneqarput:

"Nr. 7.

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkullu Inatsisartut inatsisaatigut nr. 11, 1. december 2021-meersutigut allanngortinneqartumi § 19 b, imm. 3-mi aalajangersakkat atunnginnissaannut Akileraartarnermut Aqutsisoqarfik piginnaatinneqarpoq.

Nr. 8.

EU-p Kalaallit Nunaanni sinniisoqarfimmik pilersitsinissaanut EU Kommissionimik isumaqatigiissuteqarnermut atatillugu Naalackersuisut piginnaatinneqassapput, akuersissutigalugunassuerutiginissaanut inuit Kalaallit Nunaanni EU-p allaffeqarfiani suliaartortut, taakkulu ilaqutai, aningaasarsianit akileraarutinik akiliisassanngitsut aningaasarsianit akileraarutit pillugit Inatsisartut inatsisaat naapertorlugu, soorlu inuit aningaasarsianit akileraarutit pillugit Inatsisartut inatsisaanni § 3, imm. 1, nr. 3-mi assigalugit.

Naalackersuisuttaaq piginnaatinneqassapput, Kalaallit Nunaanni EU-p sinniisoqarfianit akiliutigineqartut isertitat aalajangiiviginissaanut, imaluunniit EU-mit aallartitat, isertitanik -A-nik isertitaqassanngitsut, soorlu naalagaaffiit allat aallartitatdiplomatomik sinniisuisaannut atuuttut assigalugit, aningaasarsianit akileraarutit pillugit Inatsisartut inatsisaanni § 75, imm. 3, nr. 2 naapertorlugu.

Naalackersuisut ilanngullugu piginnaatinneqassapput, Kalaallit Nunaanni EU-p sinniisoqarfianik pilersitsinermut EU Kommissionip isumaqatigiissuteqarfigineranut atatillugu, akuersissutigalugunassuerutiginissaanut sinniisoqarfimmik, kiisalu EU-mit aallartinneqartut allaffimmi sulisut, nioqqutissanik qamutinillu motoorilinnik, Kalaallit Nunaanni allaffiup atorneranut atatillugu eqqunneqartunut eqqussuinermi akitsuutit pillugit Inatsisartut inatsisaat naapertorlugu nioqqutissanik eqqussuinermi akitsuutinik akiliisassanngitsut, soorlu inatsimmi § 3, imm. 1, nr. 1, litra e aamma nr. 2, litra b naapertorlugit.

Naalackersuisut ilanngullugu piginnaatinneqassapput, EU Kommissionip Kalaallit Nunaanni sinniisoqarfittut allaffissamik imaluunniit inunnut aallartitanut taakkulu ilaqutaannut atorfirmut atatillugu, inissamik illumik pisinermut atatillugu naqissusiinikkut akitsuummik akiliisassanngitsoq. Naalackersuisut tassunga ilaliullugumatuma ataani isumaqatigiissummi aalajangersarsinnaavai akileraarutinut akitsuutinullu akiliisussaajunnaartitsinernut killilersuutit sorliit, EU-p allaffianut atuutissanersut.”

Siunertamut kontomut, 24.10 Toqqaannartumik akileraarutit, nassuiaatit

Siunertamut kontomut matumunnga oqaasertaliussanut nassuiaatit uku ilanngunniarneqarpur:

"Nr. 7.

Oqaasertaliusseq akiliunneqarluni feeriarnert akileraaruserneqartarnerannut siusinnerusukkut inatsisitigut inissisimanermut uternissamut immi kinguneqassaaq, tamannalu Aningaasarsianit akileraarutit pillugit inatsisartut inatsisaata allanngortinnera pillugu Inatsisartut inatsisaata nr. 11, 1. december 2021-meersup akuersissutiginera tikillugu atuussimavoq. Allanguineq ilaatigut angalanerit nalingisa akileraarusersortarnerannik kinguneqarpoq, tassani ullut ilaat inuussutissarsiummi siunertanut atorneqarlutik ullullu ilaat namminerisamik siunertanut atorneqarlutik.

Oqaasertaliusseq ilaannakuusumik akiliunneqarluni feeriarnertit ilaat nammineq ingerlanneqartut aammalu nammineerluni inuussutissarsiutigullu soqutigisanut ilaasut akileraarusersorneqarnerat pillugu aalajangersakkat taaneqartut immikkut atorunnaarnerannik kinguneqarpoq. Pissutsip nutaamik naalackersuinikkut nalilersuiffiginerani paasisassaq tassaavoq malittarisassap nutaap iluanaarutissanut anguneqartunut tunngatillugu sulinermi aqukkuminaannissaa. § 19 b, imm. 3-mi aalajangersagaq aningaasarsianut akileraarutit pillugit inatsisip kukkuneriorsinnissaani takkuttussami atorunnaartussatut naatsorsuutigineqarpoq, taamaammallu oqaasertaliusseq manna ukiumut aningaasarsiorfiusumut 2023-mut taamaallaat atuuttussaassalluni.

Oqaasertaliusseq malillugu ukiup aningaasarsiorfiusup 2022-p akileraarusiiffiginerani 2023-mi ingerlanneqartussami § 19 b, imm. 3-mi imaritinneqartut isiginnginnissaannut Akileraartarnermut Aqutsisoqarfik piginnaatinneqarpoq. Akileraartussaataasunut sulisitsisunullu aamma allanut tunngatillugu oqaasertaliusseq kingunerissavaat tamakku § 19 b, imm. 3-mi malittarisassanik atuuttunik atuisinnaanissaat imaluunniit inatsisitigut inissisimanermik 1. januar 2022 sioqqullugu atuuttumik atuisinnaanissaat periarfissaassasoq.

Matumani aningaasarsianit akileraarutit pillugit inatsisartut inatsisaanni maleruagassanit atuuttunit saneqqutsisinnaaneq pineqarpoq, tamatumalu atortuulersinniarnernani Akileraartarnermut Aqutsisoqarfimmut, akileraartartunut sulisitsisunullu il.il. unaminartoqarsinnaassaaq.

Oqaasertaliusseq nutaajuvoq.

Nr. 8

Europami Naalagaaffiit Suleqatigiiffiat (EU) Naalackersuisunut saaffiginnissuteqarnikuuvoq, Kalaallit Nunaanni allaffimmik pilersitsinissaq siunertarlugu.

Naalackersuisut oqaasertaliusseq piginnaatinneqarput inuit, allaffimmi sulisussatut EU-mit aallartinneqartut, aningaasarsianit akileraarutit pillugit Inatsisartut inatsisaat naapertorlugu akileraarutit akiliisussaajunnaartinnissaannut. Akiliisussaajunnaartitsinermit ilanngullugu aallartitap ilaqutai ilaatinneqarsinnaapput. Ilaquttatut paasineqassapput apparisaq imaluunniit inooqatigisaq kiisalu meeqqat 18-it inorlugit ukiullit angerlarsimaffimmi najugaqartut angalaqataasut.

Ilanngullugu Naalackersuisut piginnaatinneqarput, EU-p allaffianit imaluunniit aallartitanit aningaasarsiat akileneqartut, isertitatut -A-tut isigineqanngitsut aalajangersarnissaannut. Piginnaatitsissut atorneqarpat nassatarissavaa, akileraarutit -A-t imarissagaat imaluunniit akileneqassatut pisussaaffiussanngitsoq kiisalu EU-p allaffia kiisalu aallaertitat suliffeqarfeqarfimmi akitsuummik akiliinissamut pisussaaffilerneqassanngitsut.

Oqaasertaliusseq Naalackersuisut piginnaatippai Kalaallit Nunaanni EU-p allaffeqarfia nioqqutissanik eqqussuinermit akitsuutit pillugit Inatsisartut inatsisaanni eqqussuinermit akitsuutinik akiliisussaajunnaartinnissaagaa. Piginnaatitsissutittaag imaraa EU-mit aallartitat eqqussuinermit akitsuutinik akiliissanngitsut.

Naggataagut Naalackersuisunut piginnaatitsissutigineqarpoq, Kalaallit Nunaanni allaffissamik pisinermut kiisalu aallartitat atorfirmut atatillugu inissaannik pisinermut atatillugu naqissusiinikkut akitsuut akilertussaajunnaartissinnaagaat.

Aningaasarsianit akileraarutit pillugit Inatsisartut inatsisaat aamma nioqqutissanik eqqussuinermit akitsuutit pillugit Inatsisartut inatsisaat naapertorlugit, naalagaaffiit takornartat aallartitaqarnermidiplomatiskimik sinniisaat aallartitat il.il. aningaasarsianit akileraaruteqartussaananatillu eqqussuinermit akitsuummik akiliisussaannigillat. EU aalajangersakkanut taakkunanga ilaangilaq, EU naalagaaffiunngimmat takornartaq, kisiannili naalagaaffiit qulaanni suleqatigiiffiulluni. Kisiannili aallartitaqarnermidiplomatiskimik sinniisoqarfinnullu aallartitanik pisussaajunnaartitsinerup tunuani eqqarsaatigisassat isiginnittaatsillu, aamma Kalaallit Nunaanni EU-p allaffimmik pilersitsineranut atuupput.

Taamaattumik oqaasertaliussamik siunertaavoq Naalackersuisut piginnaatissallugit, EU-p allaffia akileraarutitut akitsuutinullu akiliisussaannigitoq nassuerutigissallugu, taakku ataatsimut isigalugu pisussaajunnaarsitsineranut, naalagaaffiit takornartat Kalaallit Nunaanni aallartitaqarnermidiplomatiskimik sinniisoqarfiinut allanullu atuuttussaasut assigai. Oqaasertaliussamik atugassarititaasut ilisaritinneqarput, inunnut EU-mi Kalaallit Nunaata Sinniisoqarfiani sulisunut atuuttut assingi.

Oqaasertaliussaq naapertorlugu, pisussaajunnaartitsinerit nassuerutigineqartut, aningaasarsianit akileraarutit pillugit Inatsisartut inatsisaanni aamma eqqussuinermit akitsuutit pillugit Inatsisartut inatsisaanni oqaasertaliussami aalajangersakkani taaneqartuni aallartitaqarnermidiplomatiskimik sinniisunut aallartitanut nassuerutigineqarsinnaasut sinnerneqarsinnaanngimmata. Tamatuma saniatigut oqaasertaliussami erseqqissarneqarpoq, Naalackersuisut piginnaatinneqartut, qulaani inatsisini aalajangersakkani taaneqartunit oqaasertaliussami pisussaajunnaartitsinerit ikinnerusut nassuerutigisinnaagaat.

Allaffimmik pilersitsinissaq pillugu EU Kommissioni oqaloqatigineqarpoq, soqutigineqarporlu 2023-p ingerlanerani allaffik pilersinneqarsinnaasoq. Taamaattumik inatsimmik suliaqarneq piffissaq eqqorlugu piareersinnaassanngilaq. Sulissutigineqassaaq, 2023-p ingerlanerani tamanna pillugu inatsisissatut siunnersuummik saqqummiussisoqarnissaa.

Oqaasertaliussaq nutaajuvoq.”

Nr. 93

Kotomut pingaarnermut, 24.11.10 Nioqqutissanik eqqussuinermit akitsuutit

Qamutitut motoorilinnut innaallagissamik ingerlatilinnut aammalu plug-in-hybridbiilinit akitsuuteqartitsinnginneq ukiumik ataatsimik sivitsorneqarpoq taamaattumillu oqaasertaliussaq nutaaq una ilanngunneqarluni:

"Nioqqutissanik eqqussuinermi akitsuutit pillugit Inatsisartut inatsisaanni § 1, imm. 1, nr. 21 naapertorlugu akiliisussaataaernerit qamutitut motoorilinnut taamaallaat innaallagissamik brintimilluunniit ingerlatilinnut, kiisalu plug-in-hybridbiilinnut, batteriinnik innaallagissamik immeqqinneqarsinnaasunik ingerlatilinnut 1. januar 2024 tikillugu atuutsinneqassanngillat."

Kontomut pingaarnermut, 24.11.10 Nioqqutissanik eqqussuinermi akitsuutit, nassuiaatit

Kontomut pingaarnermut matumunnga oqaasertaliussanut oqaasertaliussat imattut ilanngunniarneqarput:

"Qamutit motoorillit taamaallaat innaallagissamik brintimillu ingerlatillit eqqunneqarneranni nioqqutissanik eqqussuinermi akitsuummik aamma qamutit motoorillit akileraarutaannik akiliinngikkallarnissaq pillugu Inatsisartut inatsisaat nr. 8, 29. november 2013-imeersoq naapertorlugu akitsuutitut akiliinngikkallarnissaq ukiumik ataatsimik oqaasertaliussatigut sivitsorneqarpoq, kontomullu pingaarnermut matumunnga oqaasertaliussatigut kingullermik 31. december 2022 tikillugu sivitsorneqarluni.

Oqaasertaliussat AI2022-mit ingerlateqqitaapput."

Nr. 94

Kontu pingaarnermut 24.11.10 Nioqqutissanik eqqussuinermi akileraarutit

Aningaasanut inatsimmik isumaqatigiissuteqarnerup malitsigisaatut oqaasertaliussat tulliuuttut ivertinniarneqarput:

"Nr. 2-mut.

Ulloq 1. januar 2024-mut tungaanut nioqqutissanik eqqussuinermi akitsuutit pillugit Inatsisartut inatsisaanni nr. 19, § 1, imm. 1, nr. 14-imut (nersussuup neqaa) 15, (puulukip neqaa aamma 17, litra b-e-mut (nersussuup neqaanit puulukillu neqaanit nioqqutissiat piariikkat kiisalu pølsit suulluunniit kiisalu tingunnit nioqqutissiat).

Naalakkersuisut aamma KNI A/S niuertarfiutillillu allat attuumassuteqartut, sikusartuni nioqqutissianik pineqartunik pisisartunut tuniniaaqqinnissaq siunertaralugu eqqussinikunut, ulloq 1. januar 2023 kingorna pilersuineramik qularnaarinialuni akitsuutitut akiliutaannik utertitsinissamut piginnaatinneqarput.

Aalborgimi Grønlandshavnikkut nioqqutissat eqqunneqartut minillugit, Danmarkip umiarsualiviatigut nioqqutissat eqqunneqartut umiarsuarmut Kalaallit Nunaannukartussanut ikineqarsimasut akitsuuteqarfimmuut eqqunneqartutut isigineqarput."

Kontu pingaarnermut 24.11.10 Nioqqutissanik eqqussuinermi akitsuutit nassuiaatit

Nassuiaatit tulliuuttut kontu pingaarnermut ivertinniarneqarput:

"Nr. 2-mut

Oqaasertaliussat ukiumi ataatsimi akitsuusiinnginnerupput. Oqaasertaliussat 2023-mut aningaasanut inatsimmut isumaqatigiissut tunuliaqutaraat, partiillu isumaqatigiissuteqartut innuttaasut inuuniarnermikkut atugaannik pitsanngorsaaniissamik kissaateqarlutik.

Akitsuutininik appaaneq aamma ullup 1. januar 2023-p kingorna sikusartuni sunniuteqarnissaa qulakkeerniarlugu, KNI A/S-mik niuertarfiunilinnillu allanik attuumassuteqartunik ulloq 1. januar 2023 kingorna taakkunannga pisisartunut tuniniaaqinnissaq siunertarlugu eqqussisunik akitsuutinut akiliutaannik utertitsinissamik oqaloqatiginninnerit aallartinneqassapput. Nunarput tamakkerlugu innuttaasut naligiimmik atugassaqtinneqassammata.

Nioqqutissanik eqqussuinermit akitsuutit pillugit inatsisisartut inatsisaannik allannguutissatut siunnersuummik 2023-mi Inatsisartunut saqqummiussisoqarnissaa naatsorsuutigineqarpoq.

Inatsisissap akuerineqarnissaata tungaanut puulukit neqaannik, nersussuit neqaannik neqinillu nioqqutissanik allanik piariikkanik aqerlortikkanilluunniit akitsuusiinngikkallarnerup inatsisitigut tunngavissarqartinniarlugu manna oqaasertaliussat AIS2023-mut ivertinneqarput.

Taamattaq oqaasertaliussat qaqugu nioqqutissat akitsuuteqarfimmuut eqqunneqartutut isigineqarnerat erseqqissaaffigaat. Akitsuutit piffissami akitsuut atuuttoq malillugu naatsorsorneqartarput.

Oqaasertaliussaq nutaajuvoq.”

Meeqqanut, Inuusuttunut Ilaqutariinnullu Naalackersuisoq – Suliassaqarfik 30

Nr. 95

Kontomut pingaarnermut, 30.13.07 Kalaallit Nunaanni inissiisarnernut aningaasat immikkoortitat

Kontop pingaarnarup uuma aqqa allanngortinneqarpoq Kalaallit Nunaanni inissiisarnernit kisimik pineqarmata Danmarkimi inissiisarnernit pineqaratik. Oqaasertaliussat nr. 1 aamma 2 allanngortinneqanngillat taamaattorli oqaasertaliussani nr. 2-mi oqaaseqaatit peerneqarput. Oqaasertaliussat nr. 3 oqaasertai ilanngullugit peerniarneqarput imaattunillu taarserniarneqarlutik:

”Nr. 3.

Naalackersuisut kommunit isumasioqatigalugit aamma pisariaqartitsineq naapertorlugu kontomit pingaarnernit, 30.13.07 Danmarkimi Kalaallit Nunaannilu inissiisarnernut qitiusumik immikkoortitat, kontomut pingaarnermut, 30.10.37 Nuna tamakkerlugu meeqqanut inuusuttunullu ulloq unnuarlu paaqqinnittarfiit, aamma 30.13.41-mit, Innarluutilinnut angerlarsimaffiit, aningaasanik nuussinissaminnut piginnaatinneqarput.”

Kontomut pingaarnermut, 30.13.07 Kalaallit Nunaanni inissiisarnernut aningaasat immikkoortitat, nassuiaatit

Kotomut pingaarnermut matumunnga oqaasertaliussanut nassuiaatit nr. 2 aamma 3 imaattut ilanngunniarneqarput:

” Nr. 2.

Immikkoortitat ulloq unnuarlu angerlarsimaffinni tamani immikkut suliniutinut taamatullu inuit tapersorsortit nalunaaquttap akunnermusiaannut tapiissutigineqartarsinnaapput. Ulloq unnuarlu paaqqinnittarfiit nukittorsarneqarnissaannut aamma Nunatsinni paaqqinnittarfinnut inissinernut aningaasanik atugassangortitsisoqarsinnaavoq. Ataatsimoortumik aningaasanik immikkoortitanit aningaasaliissutit kommuninit aningaasalersorneqarput Namminersorlutillu Oqartussanit allaffissornikkut aquneqarlutik.

Aningaasanit immikkoortitanit taakkunanga tapiissutinut malittarisassat kommunit ataatsimoorlutik aalajangersartarpaat.

Oqaasertaliussat AI 2022-mit iluarsineqarlutik ingerlateqqitaapput.

Nr. 3-mut.

Taamatut nuussisinaanikkut siunertaavoq, immikkut ittumik paaqqinnittarfiit piffissami aalajangersimasumi inissisimasoqarpallaannginnerminni sulisooreersunik piginniinnarnissaasa qulakkeerneqarnissaat.

Tassani piunasaqaataavoq aningaasat nuunneqarsinnaasut, Naalakkersuisut aamma kommunit akornanni isumaqatigiittoqarpat.

Oqaasertaliussat AI 2022-mit iluarsineqarlutik ingerlateqqitaapput.”

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq – Suliassaqarfik 40

Nr. 96

Kotomut pingaarnermut, 40.91.31 Suliniutit aallaavigalugit tapiissutit

Ilinniarfissat pingasut pilersinniarneqarput. Tamatuma kingunerisaanik Niuernermik Ilinniarfik, Nuuk ataanni oqaasertat imaattut oqaasertaliussanut ilanngunniarneqarput:

"AU Pisortat allaffissornerat	38.568 kr.
AU Human Ressource	38.568 kr.
AU IT-paasissutissiisarnermut teknologi (allanngorartooq)	38.568 kr.”

Nr. 97

Siunertamut kotomut, 40.95 Eqqumiitsuliorneq

Aningaasanut inatsisissap naalakkersuinikkut isumaqatigiissutigineqarnerata kingunerisaanik oqaasertaliussat uku nutaat 2023-mut aningaasanut inatsisissatut siunnersuummut ilanngunniarneqarput:

”Nr. 2.

Aningaasaateqarfimmut "Kalaallit Nunaanni Eqqumiitsulianut Toqqorsivik"-imut 50 mio. kr.-nik aningaasaliinissaminut pisussaaffilimmik neriorsuuteqarnissaanut Naalakkersuisut piginnaatinneqarput. Tapiissutit suliniutip naammassineqarnissaanut sanaartornermut akip tamarmiusup pissarsiarinissaanut tapiissutaassapput. Tapiissutit aatsaat tunniunneqarsinnaassapput aningaasaateqarfiup siulersuisuisa suliniummut aningaasat pisariaqartinneqartut sinneruttut pissarsiarinissaanut aningaasalersuinissamut pisariaqartitat tamarmiusut pissarsiarineqarsimaneri uppersarsareerpassuk imaluunniit pisussaaffilimmik neriorsorneqarsimanertik uppersarsarsinnaappassuk."

Siunertamut kontomut, 40.95 Eqqumiitsuliorneq, nassuiaatit

Kantomut pingaarnermut matumunnga oqaasertaliussanut nassuiaatit imaattut ilannguniarneqarput:

”Nr. 2.

Oqaasertaliussat siunertaraat "Kalaallit Nunaanni Eqqumiitsulianut Toqqorsivik"-iup piviusunngortinnissaata siuarsarnissaa. Suliniummut aningaasaliisussarsiorniarneq ajornakusoorsimaqaaq aningaasaliisinnaasulli il.il. arlallit oqaatigisimavaat suliniummut aningaasaliisinnaanissartik soqutigisinnaallugu Namminersorlutik Oqartussat sanaartornissavimmumut aningaasaleeqataanissartik neriorsuutigisinnaappassuk.

Suliniummut atatillugu C-missingiut nutaaq TNT Tegnestuemit maj 2022-mi suliarineqarsimavoq. Suliniutip naammassinissaanut aningaasartuutissat 260 mio. kr. missaaniittussaasut missingiussatigut takuneqarsinnaavoq. Aningaasalersuinissamut aningaasartuutissaajunnartut missingiussani sillimaffigineqarsimangillat.

Tamatuma malitsigisaanik Nuummi Eqqumiitsulianut Toqqorsivimmik pilersitsinissamut Namminersorlutik Oqartussat 50 mio. kr.-nik aningaasaateqarfimmut aningaasaliisuteqarsinnaalersillugit oqaasertaliinissaq Naalakkersuisunit kissaatigineqarpoq. Neriorsuutigineqartut aatsaat atorneqarsinnaalissapput aningaasaateqarfiup siulersuisuisa aningaasaliisussallu allat aningaasaliisutissatik qulakkeereerpatigit aningaasaliisinnaanissartilluunniit pillugu pituttorsimasumik neriorsuuteqarsinnaappata, taamaasiornikkut Namminersorlutik Oqartussat tapiissuteqarnermikkut suliniummut aningaasaliisutissat tamarmiusut pissarsiarineqarsimalissammata.

Neriorsuut taamaattoq pisussaaffiussaaq kultureqarnermut naalakkersuisumit aningaasaqarnermullu naalakkersuisumit atsiorneqarsimassalluni.

Neriorsuutigineqartut atorneqartussanngorpata Inatsisartut ukiuni aningaasanut inatsiseqarfiusumi ataatsimi arlalinniluunniit aningaasat amerlaqataannik pingaarnersiuiullutik nassaarniartariaqassapput sanaartornerup sukkassusaa aallaavigalugu annertussusilerneqartussanik.

Neriorsuut 1. januar 2023-miit aallartittumik ukiut pingasut angullugit tunniunneqarsinnaavoq."

Oqaasertaliussat nutaajupput."

Nunanut Allanut, Inuussutissarsiornermut Niuernermullu Naalakkersuisoq - Suliassaqarfik 66-67

Nr. 98.

64.10.32 Takornariartitsinermik ineriartortitsineq aamma inuussutissarsiutinik siuarsaaneq

Kontop pingaarnep taaguutaa iluarsineqarpoq, taamaalilluni taaguut aningaasaliissutigineqartunut takussutissiaq; ilanngussaq 1-mi allanneqartumut naapertuuttunngortillugu. Kontomi pingaarnemi oqaasertaliussat ilanngunneqartut marluuit imarisaat allanngussanngillat. Allannguutissat siunnersuut una Aningaasaqarnermut Ataatsimiititaliap apequtaanut malitseqartitsinertut saqqummiunneqarpoq.

Ineqarnermut Attaveqaasersuutinullu Naalakkersuisoq - Suliassaqarfik 70 - 72

Nr. 99

Kontumut pingaarnermut, 70.01.07 Sanaartornermi Oqartussat

72.02.03 Inissialiortiternernut allaffissornernut pilersarusiornermullu aningaasartuutit, oqaasertaliussat kontumut pingaarnermut uunga nuunneqarput. Oqaasertaliussat tulliuuttut kontumut pingaarnermut uunga nuunneqarnissaat qinnutigineqarpoq:

“Nr. 1-imut.

Naalakkersuisut kommuninit, kommunini inissiaatileqatigiiffinit, kommunini aqutsisooqatigiiffinit, Illuut A/S-imit aamma INI A/S-imit paasissutissanik attuumassutilinnik pissarsiniarnissamut, aammalu taakku ilusissaannut piumasaqaateqarnissamut piginnaatinneqarput. Taakku paasissutissaasivimmik, pisortat inissiaataasa attartortittakkat qanoq issusiinut ataatsimoortumik ingerlaavartumillu nutarterneqartartumik nassuiaasiornissamut iluaqutaasussanik web-portalitalimmik aammalu nalunaarsuivitalimmik pilersitsinissamut ingerlatsinissamullu atorneqassapput.

Nr. 2-mut.

Naalakkersuisut paasissutissaasivimmik pilersitsinissamut ingerlatsinissamullu, kiisalu tamatumunnga atatillugu misissueqqissaarnissamut suliaqarnissamullu avataaniit suleqataasinnaasunut ukiuni arlalinni atuuttussanik isumaqatigiissusiornissamut piginnaatinneqarput, tak. oqaasertaliussaq nr. 1. Isumaqatigiissutini aningaasaliissutit tamarmiusut qaangerneqassanngillat aammalu ukiunut missingersuusiorfusunut equissanngillat.

Nr. 3-mut.

Naalakkersuisut kontumi pingaarnemi matumani aningaasartuuteqarnerussutinut imaluunniit aningaasartuutikinnerussutinut nuussinissamut piginnaatinneqarput. Ukiumut aningaasanut inatsiseqarfiusumut tullermut aningaasaliissutit annerpaamik 25 %-iinik nuussisoqarsinnaavoq.

Nr. 4-mut

Kommunit inissiaataanut attartortikkanut tunngatillugu paasissutissat oqaasertaliussani nr. 1 naapertorlugu paasissutissanut toqqorsivimmuk ingerlaavartumik ilanngunneqartarnissaasa qulakkeerneqarnissaat kommunit akisussaaffigaat, taamaasiornikkut inissiaatigineqartut pitsaassusaat eqqortumik nutartikkanillu paasissutissaatigineqartassammata.”

Kontumut pingaarnermut, 70.01.07 Sanaartornermi Oqartussat, oqaasertaliussat

Oqaasertaliussat tulluuttut kontumut pingaarnermut ivertinneqarnissaat qinnutigineqarpoq:

“Nr. 1-imut.

Oqaasertaliussami nuna tamakkerlugu paasissutissaasivimmik aamma web-portalimik allanngorartinneqarsinnaasunik, siunissamut ungasissumut pisortat inissiaataanni attartortittakkani iluarsaassinermi aserfallatsaaliuinermilu suliassat suliarineqarnissaannut pilersaarusiornissamut sakkussatut atorineqarsinnaasunik pilersitsinissamut periarfissiisoqarpoq, taakkunungalugu ingerlatsinerup aserfallatsaaliuinerullu oqimaaqatigiissinneqarnerannik pilersitsinissamut isumannaatsunik tunngavissiiinissaq ilaavoq. Tamatuma kingunerisaanik paasissutissanik katersisoqarsinnaavoq, paasissutissanik suliaqartoqarsinnaavoq, paasissutissaasivik ingerlaavartumik naleqqussarneqarsinnaavoq iluarsineqarsinnaallunilu aammalu nuna tamakkerlugu inissianik illunillu nalunaarsuinermit iluaqutaasinnaavoq.

Naalakkersuisut piginnaatitsissuteqarneq aqutugalugu pisortanut illunik piginnittuusunut web-portalimut aaqiiissutissat naapertuuttut aqutigalugit siunertamut tassunga paasissutissanik pilersuinissaat pillugu piumasaqaateqarsinnaalissapput. Paasissutissat illuni paasissutissanut tunngaviusunut (ilaatigut B-normu, inissiat attartortittakkat amerlassusii, nunaminertat, najugaqarfii), illut qanoq issusiinut, illut sannaasa pingaarnert, ilaatigut qanoq issutsinut, amerlassutsinut, aserfallatsaaliuinermit ingerlatsinermit aningaasartuutitut, piffissami sananeqarfimminni teknikkikkut pitsaasumik suliarineqarnerinut tunngasut naliliiffigineqarnerinik ilaqtartunut tunngapput. Taakku saniatigut inissianik isaterinissamut nutaanillu sanaartornissamut missingersuutitut immikkoortinneqartut piumasarineqarsinnaapput, taamaalilluni illoqarfanni nutarterinermi suliassat pilersaarusiorneqarsinnaassammata.

Paasissutissat tunngaviusumik pisortat inissiaataannik attartortittakkanik, taakku Namminersorlutik Oqartussanit kommuninilluunniit pigineqaraluarpata, aqutsisuniit digitaliusumik pissarsiarineqartassapput. Paasissutissat assigiiarnissaat, paasinartuunissaat aammalu ataatsimoortumik ingerlaavartumillu pisortat inissiaataasa attartortittakkat qanoq issusiinut, kiisalu iluarsaassinermi aserfallatsaaliuinermilu killiffiitut takussutissiuiffiusinnaanissaat siunertarineqarpoq.

Tassunga ilanngullugu paasissutissaasivik illut atortuisa qanoq issusiinik naliliinermit, piffissap sananeqarfissaasa pilersaarusiornierinut aammalu illut, immikkoortortaqarfii illoqarfiillu, kiisalu nuna tamakkerlugu taakkununga aningaasartuutissanik missiliuinermit paasissutissatigut tunngaviliissaaq.

Paasissutissaasivik aamma web-portalimut saniatigut pissarsiassatut illuliortiternermi sanaartornermilu pisinnaasanik kivitsinissamut paasissutissanut tunngaviusunik pitsaannerusunik pilersitsinissamut iluaqutaassaaq. Tamanna suliassat siaruartinnerullugit suliarineqarnissaanut pilersaarutit

piviusunnorsinnaasut suliarinerisigut pisinnaavoq. Taamaalilluni ilinniartitaanermi suliffeqarnermilu pilersaarutit attuumassutillit naleqqussakkallu suliniuteqarfiginerisigut, ilinniartunik najugaqavissunillu sulisoqarnissamut periarfissat annertusinissaannik siuarsaanikkut pisinnaavoq.

Oqaasertaliusseq tamanna pillugu inatsisitigut tunngavissamik piujuarnerusussamik siunnersuuteqarnermik malitseqartinneqassaaq. Tassani paasissutissanut programmiliassamut tunngaviumut atatillugu inatsisiliorinissamut piareersaataasut nuna tamakkerlugu inissianik illunillu nalunaarsuiffiup annertusarneqarnerani sulianut ataqtigiissaarneqassapput.

Oqaasertaliussat AI2022-mit iluarsineqarlutik ingerlateqqitaapput.

Nr. 2-mut.

Oqaasertaliusseq tunngavigalugu Naalackersuisut paasissutissaasivinnut aamma web-portalinut sakkussanik attuumassutilinnik, misissueqqissaarnernik nalunaarsuiffinnilu ineriartortitsinissamut isumaqatigiissuteqarnermi, Inissianut Attartortittakkanut Tamarmiusunut Pilersaarusiornissamut atatillugu sulinermi siunissamut ungasissumut pilersaarusiornissamut periarfissaqalissapput. Sulianut immikkut ilisimasalinnik, pingaartumik illuliat sanaartukkallu sanaartorneqarnerisa nalaanni qanoq issutsimik naliliisarnernik aammalu paasissutissanik suliaqartarnermik immikkut ilisimasaqartunik pissarsiniarnissaq pisariaqartussaavoq.

Oqaasertaliussat AI2022-mit ingerlateqqitaapput.

Nr. 3-mut.

Oqaasertaliussami aningaasaliissutit, ukiup aningaasaliiffiusup ingerlanerani eqaatsumik pilersaarusiornissamik pisariaqartitsiviusunut pitsaaneruseq atornerqarnissaat periarfissinneqarpoq.

Oqaasertaliussat AI2022-mit ingerlateqqitaapput.

Nr. 4

Inissiat attartortittakkat pisortanit pigineqartut tamarmik pitsaassusiisa ingerlaavartumik nalunaarsorneqartarnissaat siunertaralugu oqaasertaliussat pilersinneqarput.

Kommunit inissiaataasa attartortittakkat pitsaassusaat Naalackersuisunit pissarsiarineqarsinnaapput, paasissutissat Tusagassiisarnermut Pilersaarusiornermullu (IPV) tunngatillugu paasissutissat nalunaarsorneqartarneri aqutigalugit. Pisortat inissiaataasa tamarmiusut pitsaassusaat pillugit paasissutissat nutartikkat allaaserineqarneri siunissami paasissutissaatigineqartalernissaat taamaasiornikkut qulakkeerneqassaaq. Pingaartumik Namminersorlutik Oqartussat inissiaataat attartortittakkat kommuninut tunniunneqartarneri eqqarsaatigalugit pilersaarusiortarnissani pingaarnersiuillunilu tulleriiarisarnissani illunut ataasiakkaanut, immikkoortunut, illoqarfikkaartumik nunalu tamakkerlugu paasissutissat toqqortaatigineqartut aqutigalugit paasissutissat pilertortumik pissarsiarineqarsinnaalissapput. Taamaasilluni Namminersorlutik Oqartussat inissiaataasa attartortittakkat kommuninut tunniunneqarnissaat pillugit isumaqatigiinniartarnissani paasissutissat atornerqartalissapput.

Tunniussisinnaanerup siusinnerpaamik 1. januar 2024-mi pisinnaanissaa naatsorsuutigineqarpoq.

Oqaasertaliussat AI2022-mit iluarsineqarlutik ingerlateqqitaapput.”

Nr. 100

72.02.03 Inissialiortiternernut allaffissornermut pilersaarusionermullu aningaasartuutit

Kontu pingaarneq una AIS2023-mit peerneqarpoq. Oqaasertaliussat tassungalu atasumik nassuiaatit AIS2023-mit peerneqarneqarnerat tamatuma kinguneraa.

Nr. 101.

Kontomut pingaarnermut, 72.10.16 Inissiat attartortittakkat ingerlanneqarnerat, aningaasaliissutinit iluanaarutit

Oqaasertaliussaq kontomi pingaarnermi, 89.72.12 Inissialiassat taartissanillu inissialiortiterneq, ataqatigiittoqarneranik nassuiaaffiusoq:

"Nr. 10.

Naalakkersuisut kontomi pingaarnermi, 72.10.16 Inissiat attartortittakkat ingerlanneqarnerat, aningaasaliissutinit iluanaarutit, ilanngaaseereerluni iluanaarutaasut inissianik iluarsaanermut suliniutit aningaasaliissutitigut kontomi pingaarnermi, 89.72.12 Inissialiassat taartissanillu inissialiortiterneq, aningaasaliissutitigut killiliussat iluanni akilerneqartut matussusernissaannut piginnaatinneqarput. “

Kontomut pingaarnermut, 72.10.16 Inissiat attartortittakkat ingerlanneqarnerat, aningaasaliissutinit iluanaarutit, nassuiaatit

Kontomut pingaarnermut matumunnga oqaasertaliussanut nassuiaatit uku ilanngunniarneqarput:

"Nr. 10.

Oqaasertaliussatigut kontot pingaarnerit marluusut taakku akornanni ataqatigiittoqarnera ersersinneqarpoq, tassalu aningaasat Namminersorlutik Oqartussat inissiaataanni piginneqatigiiffiusuni iluanaarutaasunut naapertuuttut inissiat iluarsarnissaannut minnerpaamik atorneqassasut. Kontomi pingaarnermi, 89.72.12 Inissialiassat taartissanillu inissialiortiterneq, aningaasaliissutit qaffasissusaat ataatsimut suliaqarnermut aqutsisuupput.

Oqaasertaliussaq nutaajuvoq.”

Nr. 102.

Kontomut pingaarnermut, 72.26.04 Mittarfeqarfiit A/S

Oqaasertaliussaq Mittarfeqarfiit A/S-imik kiffartuussinissamik isumaqatigiissutit ukiuni arlalinni atuuttussat pillugit isumaqatigiissusiornissamut tunngavissamik qulakkeerinnippoq.

”Naalakkersuisut kontomi pingaarnermi matumani aningaasaliissutitut killiliussat iluanni Mittarfeqarfiit A/S pillugu Inatsisartut inatsisaat nr. XX naapertorlugu nunap immikkoortuini mittarfiit ingerlannissaat iluarsarneqarnissaallu pillugit Mittarfeqarfiit A/S-imik ukiuni arlalinni atuuttussanik isumaqatigiissusiorsinnaanissamik piginnaatinneqarput.

Isumaqatigiissutit konto pingaarneq manna aqquqigalugu isumaqatigiissutigineqartut ukiut qulit angullugit atuuttussatut isumaqatigiissutigineqarsinnaapput, matumani ukiunut marlunnet sivitsuiffiginissaat periarfissaralugu marloriarluni sivitsuinissaq periarfissaqartillugu. Piffissaq isumaqatigiissuteqarfiusoq tamarmiusoq taamaasilluni ukiunik 14-inik, sivitsuinerit ilanngullugit qaangiisnaannngilaq.”

Kontomut pingaarnermut, 72.26.04 Mittarfeqarfiit A/S, nassuiaatit

Kontomut pingaarnermut matumunnga oqaasertaliussanut nassuiaatit makku ilanngunniarneqarput:

”Inatsisartut 2022-mi ukiakkut ataatsimiinnermi Mittarfeqarfiit A/S pillugit Inatsisartut inatsisaat nr. XX akuersissutigisimavaat.

Nunap immikkoortuini mittarfiit qulimiguulinnullu miffiusartut piffissamut ungasinnerusumut pilersaarusiornissaat ineriartornissaallu qulakkeerniarlugit Mittarfeqarfiit A/S-imik isumaqatigiissutit mittarfinnut miffiusartunullu ataasiakkaanut missingersuutit piffissamut sivisuumut atuuttussat tunngavigineqarput. Tassungalu atatillugu mittarfinnut miffiusartunullu immikkut iluarsaasarnissanut pilersaarutitik suliaqartoqassaaq.

Konto pingaarneq manna nutaajuvoq.”

Nunalerinermut, Imminut Pilersornermut, Nukissiutitut Avatangiisinullu Naalakkersuisoq - Suliassaqarfik 73-77

Nr. 103

Kontomut pingaarnermut, 73.04.02 Ineriartortitsinermut aningaasatigut tapersiissutit, nunalerineq

Oqaasertaliussatigut nunalerinermik inuussutissarsiutilinnut siunnersorteqartarneq pillugu isumaqatigiissutit ukiuni arlalinni atuuttussat qulakkeerneqarput.

”Naalakkersuisut Inatsisartut Aningaasaqarnermut Akileraartarnermullu Ataatsimiititaliamut ilisimatitsinikkut nunalerinermik inuussutissarsiortunut siunnersorteqartarnissamut kiffartuussinissamik isumaqatigiissutit ukiuni arlalinni atuuttussat imaluunniit Savaatillit Peqatigiit Suleqatigiissunik allaffeqarnerup ingerlannissaa pillugu kiffartuussinissamik isumaqatigiissutit ukiuni arlalinni atuuttussat pillugit piginnaatinneqarput. Isumaqatigiissuteqarnikkut aningaasaliissutit tamarmiusut sipporneqassanngillat aamma ukiut missingersuusiortuugallartut sunnerneqassanngillat. “

Kontomut pingaarnermut, 73.04.02 Ineriartortitsinermut aningaasatigut tapersiissutit, nunalerineq, nassuiaatit

Kontomut pingaarnermut matumunnga oqaasertaliussanut nassuiaatit makku ilanngunniarneqarput:

”Oqaasertaliussatigut piffissamut ungasinnerusumut pilersaarusiorsinnaaneq, nunalerisut pitsaanerusumik siunnersortarnissaannut anguniagaqarneq aammalu nunalerinermik inuussutissarsiortut piffissamut ungasinnerusumut ineriartortitsiffiunissaasa qulakkeernissaat periarfissinneqarput.

Oqaasertaliussaq nutaajuvoq.”